



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

IX. Quanam ratione & modo in Verbo videantur creaturæ; & vnde oriatur diuersitas visionis creaturarum in Verbo.

[urn:nbn:de:hbz:466:1-72856](#)

Respondeo primo, hoc argumento ut sumum hoc solum probari, non ex ipsa per se visione Dei sola petendam esse causam, cur diversi beati diversa videant, sed etiam ex Dei ordinatione, tanquam conditione requisita ad hoc, ut per eandem visionem Dei, aut etiam ex vi eiusdem visionis creaturæ in Deo videantur, ut antea dictum; de quare modus non disputamus. Respondeo secundum, recte quidem probari diuersitatem illam non est petendam ex natura & vi visionis Dei, secundum suarationem specificam, aut etiam rationem individuum claritatis, sive intensionis spectatam; ex qua petenda est in æqualitas beatitudinis essentia lis, ut superius dictum; sed non probatur, petenda non est ex ratione individua visionis, aut luminis gloriae, secundum extensionem, ut dicitur dub sequenti. Ex quibus etiam patet id, quod circa probationem secunda assertionis diximus, nullam posse adferri ratione implicationis contradictionis, quare in Deo ex vi ipsius visionis, videri non possint creature; quæ proinde potentia, cum aliquo ad maiorem ipsius Dei & beatorum gloria cedat, & communis Theologorum sensu comprobetur, non est Deo deneganda: neque in his, præfertim supernaturalibus materijs, veritas ex facilitate sententia æstimanda est: sed ex principiis longe grauioribus, ut dictum.

DVBIUM IX.

Quanam ratione, & modo, in Verbo videantur creature, & unde oriatur diuersitas visionis creaturarum in Verbo.

S. Thomas I. p. q. 12. a. 8. & 9.

Modus quo in Verbo videri possunt creature, dupliciter spectari potest; primo ex parte ipsius Verbi, secundo ex parte beati cognoscens, de utroque in proposito agendum. Et quod ad primum attinet; duo sunt modi generales, quibus creatura secundum suum proprium esse in DEO seu Verbo, eademque Visione Dei, cognosci posse videantur. Vnus in Deo, velut medio cognito; alter in Deo, velut medio, ut sic non cognito: prior modo V. G. cognoscimus ex vestigio animal, ex fumo ignem, ex causa effectum, & econtra; posterior modo cognoscimus per Verbum mentis, aut species intentionales, seu sensibiles, seu intelligibles, earundem obiecta.

In particulari vero alterutro hoc generali cognitionis modo, sex rursus distingui possunt speciales modi, videndi creaturas in Deo. Primus est cognitio creaturae in Deo veluti causa effectiva, eminenter continentem creature. 2. Cognitio creaturae in Deo seu Verbo, ut in causa exemplari & idea. 3. In scientia & conceptu ipsius creaturae, adeoque in Deo ut cognoscere, quo spectat modus ille quem vocant in arte & sapientia Dei, ut cum S. Augustino infra loquitur Molina q. 12. a. 8. disp. 2. 4. In verbo, ut in specie intelligibili representante, sive suppleente.

locum speciei. 5. In libera determinatione voluntatis diuinæ. 6. In Deo velut speculo. Cum enim creatura tribus modis sint in Deo, nimirum 1. eminenter velut in causa efficiente. 2. Obiectiva, velut in intelligenti. 3. Representativa, ut in idea, sive exemplari, vel etiam specie quasi intelligibili; recte ab his desumunt varijs modis, quibus creaturae videantur in Deo. Et ex recentissimi quidem primus & quintus respondet DEO velut causa efficienti; tertius veluti intelligenti, secundus, quartus, & sextus veluti representanti; licet hoc loco nec dum velimus definitum, an reuera omnes isti modi sint inter se distincti, hoc enim inferius definitur.

Affertio I. Creatura tam secundum esse actuale, quam possibile videntur a beatis in Deo velut causa; sive ut in actu primo, & velut remotè solum causativa, si creatura solum spectetur secundum esse possibile; sive ut iam determinata ad agendum, per liberum decretum diuinæ voluntatis; si creatura spectetur secundum esse actuale existentia. Prior pars est communis Doctorum, quam expressè tradunt S. Thomas hic quæst. 12. artic. 8. & quæst. 14. artic. 5. & 3. parte quæst. 10. artic. 2. & 3. & quæst. 8. de verit. artic. 4. & 5. & quæst. 20. artic. 4. ubi etiam docet, creature potius videri in Deo ut in causa, quam ut in speculo. Conscientiū Durandus in 1. distinct. 35. q. 2. & in 4. dist. 49. q. 3. Ferrariensis 1. contra Gentes. c. 49. Cajetanus & alij Thomista recentiores hic a 8. Greg. de Valentia. q. 12. pun. 6. Molina disp. 2. Albertinus tomo 1. principio 1. Corol. 4. punc. 4. & Cor. 5. pun. 2. & 3. n. 7. item Suarez lib. 2. cap. 25. a num. 20. Etsi cap. 27. n. 12. de creaturis secundum esse actuale, non nihil ambiguus.

Probatur primo. Nam Deus ipse videt in se, ut in causa eminentissima creature; quod aperte docet Dionysius cap. 7. de diuinis nom. ab expositoribus & grauioribus Scholasticis post S. Thomam. 1. p. q. 14. a. 5. & 6. ita vnamiter intellectus; quidquid nonnulli recentiores in alienum sensum trahant potius, quam explicent Dionysium. Verba ipsius sunt. Quare diuina mens omnia continet scientiam, qua secreta est ab omnibus quae per causam rerum omnium in se rerum omnium scientiam anticipatam habet. Ita ut Angelos antequam fierent cognoscere, proferretque in lucem, & que sunt omnia ex se, atque ab ipso, ut ita dicam, initio cognita haberent in lucem, que proferret. Id diuina scripta tradere existimo, cum ait, qui nouit omnia, antequam fierent. Neque enim ea quae sunt, ex ijs quae sunt discere nouit diuina Mens, sed ex se, & in se per causam rerum omnium cognitionem, scientiam efficiatque anticipatam, & ante comprehensam habet; non quod per speciem singula consideret, sed quod in causa complexu omnia sciat & contineat; quemadmodum etiam lux per causam in se tenebrarum notitiam anticipatam & informatam habet; quod non aliunde quam ex luce tenebras norit. Se ipsam ergo noscens diuina sapientia nouit omnia, sine materia ea, qua ex materia constant, sine divisione ea, que diuidua sunt; multa coniuncte, dum ipso uno omnia noscit, & procreat. Si enim causa una Diversibus

omnibus

omnibus statim largitur, eadem etiam causa una, omnia ut à se profecta, & in se ante constantia cognoscet; nec ab ijs, quæ sunt, ipsorum notitiam accipiet, sed & singulis suis, & alijs aliorum notitiam impartiet. Non igitur propriam sui notitiam Deus habet, aliam autem, quæ communiter ac generaliter ea quæ sunt omnia comprehendit. Ipsa enim se ipsam omnium causam noscens, nullo proposito modo, ea quæ à se profecta sunt, & quorum causa est ignorabit. Hac ergo Deus ea quæ sunt noscit, non rerum notitia, sed sua. Ita Dionysius; quibus verbis nescio quid vel à disputatore Theologo hodie explicatius in hac re dici possit.

³ Secundo generale est, ut cognita causa cognoscatur effectus; sicut in principijs vel ex principijs cogniti cognoscuntur conclusiones; idque non proprio ob relationem quam habet causa creata ad effectum, sed ob dependentiam huius ab illo, quæ est fundamentum relationis, ut dictum dubio præcedenti.

Tertio Angeli re ipsa eodem actu in causa cognoscunt effectum, & in subiecti essentia passiones: ergo & per lumen gloriæ hoc fieri potest; cum sit multo altioris ordinis, quā lumen Angelicum.

Posteriorem partem assertionis, quā prior pars explicatur, accommodatè ad mentem eorū, quos pro ea citauimus, recte tradidit Molina hic quæst. 12. art. 8. disput. 2. Ratio paret; quia sicut diuina essentia secundum se nude spectata, à parte, non constituit in esse actuali creaturas, sine libera determinatione diuinæ voluntatis; ita etiā ipsa per se nude spectata non potest esse ratio sufficiens, eas secundum esse actuale cognoscendi: secus est de creaturis secundum esse possibile; quod vt per se etiam necessarium est, ita rationē cognoscendi habere potest in Deo naturalem et necessariam suppositis ceteroqui requisitis conditionibus.

⁴ *Assertio II.* Simili etiam modo cognoscuntur creature in Deo, velut in idea & causa exemplari. Ita Henricus quodlib. 7. quæst. 4. & admittunt Suarez lib. 2. c. 25. num. 29. & Albertinus loco citato. Et colligunt ex S. Thomae quæst. 15. art. 3. Probarur; quia Deus per modum idea est veluti perfectissimum & eminentissimum quoddam prototypum, ad quod conformantur creature: ergo sicut ex creato prototypo, veluti causa exemplari, cognoscitur imago; ita etiam in Deo, velut exemplari creaturarum, cognosci poterunt, adeoque re ipsa cognoscetur creature.

Accedit quod Deus ipse etiam, iuxta nostrum concipiendi modum, reflexo quasi conceptu, in verbo tanquam idea creaturarum intelligi potest creature cognoscere. Sicut enim Deus directè cognoscit se & creature, ita etiam quasi reflexè cognoscit suum conceptum & notitiam; ac proinde eadē etiam quasi mentis reflexione, obiecta suorum conceptuum; sine quibus notitia seu conceptus aliquis distinctè cognosci non potest: Cum ergo idea diuina nihil aliud sint in Deo, quam ipsi conceptus diuinae mentis, prout sunt imitabiles à creaturis, ut suō loco dicetur, rectè Deus in se, velut idea, cognoscere poterit creature.

Et quia iuxta S. Thomam hic quæst. 15. art. 3.

ideæ sunt rerum non solum quandoque existentium, sed etiam posibilium (cum exemplar secundum eundem sit rerum existentium, seu futurorum tantum) rectè dici potest, essentiam diuinam per modum ideae esse rationem cognoscendi res creatas, tum possibiles tantum, & secundum esse possibile; tum etiam adiuncta cognitio Diuinæ determinationis, actu quandoque existentium, & secundum esse actuale.

Dices. Idea seu causa exemplaris non potest esse ratio cognoscendi creaturas, nisi cognitione abstractiuæ, & ad instar alterius, nou autem intuitiuæ. Respondeo, id verum esse de idea creatura, non autem de increate, quæ simul eminentissime continet omnem perfectionem creaturarum; ut vniuersum dictum dubio præcedenti.

Assertio III. Eadem etiam ratione cognoscuntur creature in Deo, veluti verbo, seu conceptu, & scientia creaturarum; *Sicut in arte & sapientia Dei.* Ita Gregorius de Valentia quæst. 12. puncto 6. Molina cit. disp. 2. Suarez & Albertinus locis citatis; & videtur communis Doctorum, qui ea ratione dicunt, creaturas videri in verbo; nimis quæ verbum est. Probatur auctoritate sanctorum Patrum. Ita enim S. Dionysius citat, dubio præcedenti assertione 4. ait. cap. 7. *cælest. Hierarch.* *Angeli aeternam Dei scientiam peragunt, multisque res purgatio oculū contemplari;* nimis quæam ipsam Dei scientiam obeundo & peragrando. Eodem plane sensu sanctus Augustinus lib. 11. de Civit. Dei cap. 2. & saepius alibi docet, creaturā cognosci in Dei sapientia, velut in arte, qua facta est; cuius rei plura testimonia adduximus dubio præcedenti assert. 2. eodem sensu S. Bernardus lib. 1. de Consider. ad Eugenii. cap. 1. dixit, à Beatis videri verbum, & in verbo facta per verbum. Et capit. 5. *videri cor & viscera Dei, & arcana mysteria,* ut retulimus dub. præcedenti assert. 2. & 4. Idem significat Sanctus Gregorius liber. 4. Dialog. capit. 33. citatus dub. præcedenti.

Ratio est, tum quia Beati cognoscunt creaturas in Deo velut idea: ergo etiam in Deo veluti verbo seu conceptu: cum idea nihil sit aliud, quam conceptus Dei, ut dictum. Tum quia verbum creatum, sive conceptus, est expressa, & actualis similitudo obiecti, seu rei intellectæ: ergo ex se aptum est ducere in notitiam obiecti, si cognoscatur: ergo multo magis verbum, & conceptus creaturarum in Deo; cum sit longe, perfectissima similitudo expressa creaturarum, erit aptum medium cognoscendi creaturas eodem verbo cognitas, si modo ab aliquo distinctè cognoscatur ipsum verbum, & cetera requisita non desint: at vero Beati clare & intuituè vident verbum illud, seu conceptum in creaturam creaturarum in Deo: Ergo optimè & excellentissime, etiam poterunt cognoscere creature velut obiecta eiusdem; ac proinde etiam sic re ipsa cognoscere; cum nihil illis desit ad hoc requisitum, ut inferius dicetur.

Et confirmatur: quia impossibile est, clare & distinctè videre aliquem conceptum seu notitiam & verbum mentis, non simul etiam viso obiecto

eiudem cogitationis; sicut impossibile est clare videre motum sine termino intrinsecō motus &c. ergo impossibile est etiam videre verbum, seu cōceptum creaturarum in Deo, vt quidem verbum creaturarum est, non viso itidem eiudem obiecto. Vtrum tamen absolute fieri possit, vt verbum diuinum secundum se videatur non visa illa creatura, dicitur dubio. 11.

Objicitur. Verbum non potest esse ratio cognoscendi, nisi ipsi, qui exprimit vel habet verbum in suo intellectu. Beati non exprimunt, nec in suo intellectu subiective habent verbū illud diuinum.

Respondeo distinguendo maiorem; vera est enim quidem si de ratione cognoscendi formalis, seu per modum cause formalis loquamur; non autem si loquamur de ratione cognoscendi obiectiva, quæ nimur per modum obiecti cogniti ratio sit cognoscendi obiectum.

Quis enim neget, vnumquemque etiam cognitum, quid alter cogitet, seu obiectum cogitationis alienæ, si ipsam eius cogitationem clare & distinctè cognoscat; vt re ipsa sit in Angelis, dum sibi mutuo loquuntur?

6 Assertio IV. Simili ratione cognoscitur à Beatis creature in Deo, etiam vt in specie intelligibili, siue supplete locū speciei intelligibilis. Ita Gregorius de Valentia q. 12. p. 6. Suarez cit. lib. 2. c. 25. n. 53. Albertinus tomo 1. principio 1. Corol. 5. p. 1. & 2. vbi etiam n. 4. putat, nil repugnare, quo min⁹ etiam extra verbum Deus obiectus locū speciei intelligibilis, in cognitione creaturarū, modo potentia sit proportionata lumine instruta. Consentiant Thomistæ recētiores cum S. Thoma hic q. 12. a. 9.

Differunt tamen autores isti nonnihil in modo explicandi. Suarez enim non distinguens hunc modū videnti à duobus alijs, nimur cognoscēti creaturas in Deo velut causa, & idea, siue cognoscēte; solū admissit, posse Deū supplere locū speciei intelligibilis in creature cognitione, vel vt supernam causam, qua potest se solā efficiere qdquid inferiores formæ possunt, atque ita etiam in quibuslibet sensuum actibus supplere concūrsum speciei sensibilis; vel per modum supremi obiecti actu intelligibilis, quod per se ipsum etiam potest influere cum potentia, etiam ad creaturarum cognitionem, secundario tamen & consequenter. Et hoc modus, inquit, proprie pertinet ad visionem beatam, qua cognoscuntur creaturas in DEO. Albertinus autem loco cit. tribuit essentiā diuinā proprium munus & causalitatem speciei intelligibilis, etiam in ordine ad cognitionem creaturarum. Quocirca etiam concūrsum D ē 1 ad visionem creaturarum, per modum speciei, distinguit à concūrso eiusdem, vt causæ cognita. Quod etiam mihi probatur.

Ratio est, quia Deus eum non solum eminentissime cōtineat perfectionem omnīū creaturarum, ipsarumque adeo etiam specierum intelligibiliū, sed etiā sit eminentissima similitudo carundē, habebit vtique connaturaliter vim excellentissimā in actu primo repräsentandi, ex parte obiecti, ipsas etiam creaturas; quod est propriū munus speciei intelligibilis; in quo proinde secundum se spectato, nulla inuoluitur imperfectio: informa-

re enim potentiam, eique inhærere; vel ab obiecto effectiū procedere, per accidens est speciei intelligibili, vt etiam supra dubio 2. dictum.

7 Assertio V. Possunt etiam à Beatis cognosci creature in voluntate diuina, seu quasi simplici actu complacentia illas approbante, si de creaturis loquamur solū secundum esse possibile; seu etiā per liberum decretum determinata ad illas producendas, si de creaturis quo ad existētiā actualē loquamur. Hunc modum cognoscendi refert Molina hic q. 12. a. 8. disp. 2. & indicant SS. Patres, prasertim S. Bernardus lo. cit. quando significat, beatos videre cor Dei, & viscera Dei; & sic etiam cognoscere occultā mysteria. Ratio est, quia etiam volitio determinate & distincte cognosci non potest, nisi cognoscere obiecto: cum ergo beati in coelis per visionem clarē intueantur voluntatē diuinam, ipsaque etiam decreta quādam libera diuinę voluntatis, singuli seruatā proportione debita, vt dubio sequenti dicetur, recte simil etiam in ipsa diuina voluntate cognoscere poterunt, adeoque re ipsa cognoscēti creaturas: cum hoc tamē discriminē; quod cum Deus creaturas secundum esse possibile necessario simplici complacentia actu velit; existentia autem actualis creaturarum necessario requirat efficax & liberum decretum diuinę voluntatis; creature hoc posterori modo cognosci non possunt in diuina voluntate, sub ratione simplicis complacentia, sed solum priori modo, vt in assertione dictum.

8 Assertio VI. Recte quidem etiam creature dicuntur à beatis cognoscēti in Deo, seu verbo, velut speculo voluntario: sed hic modus cognoscendi non est à superioribus distinctus; sed sub singulis comprehenditur. Ita Gregorius de Valentia hic q. 12. punct. 6. Suarez lib. cap. 25. num. 44. Et prima pars sumitur ex Sancto Ambrolio libr. 2. in Lucam, & S. Augustino epist. 112. & Authore libr. de tripli habitaculo capit. vltimō, tomo 9. August. & communiter recepta est à Scholasticis, cum S. Thoma hic quæst. 12. art. 8. ad 2. & quæst. 14. art. 5. & in 3. dist. 14. quæst. 1. art. 1. quæst. 14. 4. ad 1. & quæst. 8. de veritate art. 4. & quæst. 12. art. 6.

Ratio vero assertionis est; quia modus ille loquendi, videri creaturas in Deo, velut speculo, metaphoricus est; adeoque metaphoricē solum & confusè significat, quod alijs modis commemoratis proprie & distincte explicatur. Ratio vero metaphoræ & similitudinis in hoc consistit; quod sicut speculum objicitur visui, & visus tendendo in illud, transit ad rem aliam in speculo repreäsentatam; ita Beatus intuendo essentiam diuinam, per eam transit quodammodo ad cognoscendas creaturas, modo aliquo explicato. voluntarum autem hoc speculum dicitur, quia per illud Deus absolute loquendo videtur, quando vult, quantum vult, & quomodo vult, vt mox inferioris declarabitur.

9 Assertio VII. Modus cognoscendi creaturas in Deo, velut causa, idea, verbo, siue scientia, & in voluntate, necessario est per medium cogniti; vt in specie autem non item. Et communis apud autores citatos, qui hos modos cognoscēti crea-

turas

turas in Deo admittunt, speciatim vero de modo cognoscendi creaturas in Deo velut causa, ita sentiunt S. Thomas q. 8. de veritat. a. 4. & 5. & q. 20. art. 4. & hic quest. 12. art. 8. & quest. 14. a. 5. Caetanus & alij Thomistæ recentiores ibidem, Durandus in 4. dist. 49. q. 3. Ferrariensis 1. contra Gentes cap. 49. Greg. de Valentia citato pun. 6. Molina ar. 8. disp. 2. Suarez lib. 2. de Deo cap. 25. num. 20. & omnes citati assert. 1. Ratio est; quia nunquam effectus propriæ cognoscendi potest in causa; nec imago seu effectus in sua idea, sive exemplari; nec obiectum cognitum in verbo, seu scientia alterius; nec obiectum amatum seu volitum in alterius voluntate, nisi ratione prius cognoscatur causa, idea, verbum, & volitio. Igitur quoties effectus videtur in causa (eadem est ratio aliorum trium modorum) ita in ea videtur., vt quamvis re ipsa eadem sit cognitio causa & effectus, ratione tamen prius terminetur ad causam quam ad effectum; adeo ut visio causa sit ratio cur eadem visio terminetur etiam ad effectum.

Alia ratio est speciei intelligibilis; cuius, unde cunque demum proficitur, atque etiam si in cognoscente ipso non inhæreat, proprium munus non est repræsentare vt medium cognitum, sed per modum signi formalis non cogniti, ve in hoc proposito etiam sentit Albertinus loco citat. tom. 1. princip. 1. Coroll. 5. punct. 1. & 2. & indicat Gregorius de Valentia hic punct. 6. nec omnino negat Suarez cap. 25. num. 53. quamvis simul etiam addat aliud modum, quo creaturæ videantur in Deo, speciei quasi munus obcompte, velut medio cognito, vt dictum etiam assertio 4.

Neque id est plane improbabile; cum etiam in rebus creatis mihi certissimum sit species visibiles posse esse medium cognitum, quo salte abstractiue etiam cognoscatur obiectum, non quidem quādo in speculo obiectum reflexe videtur, sed quādo species visibiles per angustum foramen in obfucrum locum immittuntur, & charta, seu panno albo, debitâ distantia, & modo seruatis, excipiuntur. Tunc enim directe non videri obiectum, sed solum species manifesta argumenta conuincunt. 1. Quia si reflexe videretur obiectum per species, tum non videretur in quo situ oculi ad charta, seu linteum, quo species recipiuntur, sed solum in certo situ & loco, ad quem iuxta varium incidentia ratiū, species reflectuntur, vt in speculo est videre, & demonstrant opici. 2. Videretur obiectum simul cum modo distantia. 3. Melius & clarius videretur obiectum, si species speculo potius, quam alba charta, vel linteo exciperentur; cum illud multò melius, hæc autem vix possint reflecter species: & tamen applicato ad eum modum speculo, vix quicquam videtur. Ipsi oculi easdem species non aliter quam picturam in charta depictam & ibidem subiectiue existentem contuentur. Quibus rationibus etiam philosophis plerisque video nunc esse persuasum, eo casu, & modo videri species, non obiectum; quamvis interim obiectum eo medio simul vtique etiam abstractiue per intellectu cognoscatur vt per imaginē visā prototypū.

Cum igitur species etiam sensibiles possint esse, ratio cognoscendi obiectū per modum mediū cogniti, cur non etiam intelligibiles; præsertim diuinilla, quæ tam eminentis excellentia est, vt simul etiam perfectissimo modo contincat omnes perfectiones omnium creaturarum; ob quā perfectiōne infinitam nihil obstat, quo minus etiā per eā quasi intuitu ipsum in se obiectū cognoscatur; tametsi specie³ creatis hoc ob earū imperfectiōnem, non conueniat, vt dictū etiam assertionē 2.

Intelligenda vero sunt ea, qua hactenus diximus, de creaturis, vt entia sunt, ac Deo auctori sive causa attribui possunt; quia peccata cum vt sic nec sint Dei causans, nec volentis, nec vt idea, ad quā conformētur; nec forte vt speciei intelligibilis, per modū supremi obiectiū directe ipsas repræsentatīs, ideo solū videtur in Vrbo per extēsionē visionis ad ipsas, Deo supplētlocū speciei, vt recte Suarez l. 2. c. 27. n. 9. & 12. Nisi quis putet, hæc in verbo formaliter prorsus non videri; quod tamē cōsequēter dici nō potest; quia sic nec finis, & causa Incarnationis in verbo videretur, quod est contra ea, qua dicimus dubio sequenti.

Obijcies primō. Modus cognoscendi creaturas in Deo, veluti specie ac medio vt sic non cognito, non fundatur in visione Dei: ergo non est proprie ex vi visionis Dei.

Respondeo, et si nō fundetur in visione Dei veluti speciei, tamē fundari in visione Dei, veluti obiectiū eminentissimi, & infinitè excedentis quodlibet obiectū creatum. Quo fit, vt consequenter & secundario, ex vi eiusdem gradus indiuisibilis intēsionis, extendi possit eadē visio ad creaturas, tanquam obiectū excessum, vt fusē declarat Albertinus princ. 1. Corol. 5. In quē sensum etiā dicit Suarez c. 27. n. 12. Satis esse, quod illa scientia & visio Dei consequenter extendatur ad existentias creaturarum cognoscendas. Responderi etiam potest esse ex vi visionis Dei, saltē moraliter; quia secundum legem Dei ordinariam, ea functio Diuīng speciei ad creaturas repræsentandas, ratione nostrā oritur ex visione Dei, sine qua Deus id munus erga creaturā intellectū nō obiret. Et quicquid sit de modo loquendi; saltem dē re constat, posse ita etiam videri creaturas in verbo, & ex vi verbi, eadem visione, qua verbum videtur.

Obijcies secundō. Multiplex ille modus viden- di creaturas in Deo potius videtur impedire, quā promouere clarā earundem visionem, iuxta illud Poeta Pluribus intentus, minor est ad singula sensus.

Respondeo, nō impediare, sed promouere: quia modi illi nō sunt per media re ipsa diuersa, sed per vnam & eandem essentiam diuinam, quæ simplicissimè & intrinsecè continet plures illas rationes repræsentandi, quas cum Beati vno intuitu prout etiā à parte rei in Deo vnu sunt, clare intueantur, fateri necesse est, ijs non turbari & distrahi intellectū, sed poti⁹ quasi iuuari ad ipsas creaturas perfectius aliquo modo intuendas: perinde ac ē res eadē, ac iuuariata, eodē modo & actu simul directe, & reflexe, in se & in alio, clare & perspicue oculis posset conspicī. Et quāuis beati visione beatifica varias illas Dei perfectiones, à quibus varius ille modus cognoscendi creaturas in Deo defu-

mitur.

mitur, non distinguant, ut suo loco generatim de attributis diuinis dictum; rectè tamen à nobis distinguuntur, sicut & cætera attributa diuina. Neq; vero hæc inter se pugnāt, videri creaturas in Deo, vno modo, velut medio cognito, & simul altero modo, velut in medio non cognito, etiā vnicā visione: siquidē vnu & id ē assensu conclusionis scientiae elicitor, & per species intelligibiles, velut mediū non cognitū, & ob mediū demonstrationis, seu præmissas, velut mediū cognitū. Quas rationes tam cogniti, quā incogniti mediij, vna & eadē indiuisibilis essentia diuina, ob suam perfectionē eminentissimè continet. Atque hæc haec tenus de modo videndi creaturas in Deo, quatenus consideratur ex parte ipsius Dei, dicta sunt.

Quod verò ad modū videndi creaturas in Deo, ex parte ipsius Beati cognoscētis attinet, duo cōsiderari possunt ad eam visionē creaturarū in verbo spectantia: ex quib⁹ proinde varius etiam modus eiusmodi visionis desumi potest; nimirum lumen ipsum gloriae, veluti habitus cōferens vim & facultatem videndi, ex dictis supra dub. 4. & visione ipsa. In quibus singulis cum nulla possibilis sit distinctio specifica, ut dictum supra dubio. 5. solū ad propositum consideranda venit differentia individualis & numerica; non ea quidem solum materialis, quo modo vnumquodq; indiuidū eiusdem speciei differt ab altero, quæ ad propositū, nihil facit; sed differentia individualis secundum intensionem, vel extensionem. Quæ duplex assignari potest. 1. per verum & reale augmentum extensuum intrinsecum ipsius luminis, aut visionis. 2. Per simplicem qualitatem, non habentem in seylos gradus extensionis, seu vllam extensionem intrinsecam, sed solum extrinsecam in ordine ad obiecta; ex ipsa tamen ratione sua indiuidua equipollente pluribus gradibus extensionis: Ex qua proinde diversitate individuali, exirendā erit ratio diueritatis illius, quæ est in diuersis beatis, respectu visionis creaturarū in verbo, vt iuxta particulatum sequentibus assertionibus declaro.

13
Assertio VIII. Ut præter essentiam diuinā beatifica Visione videantur creature, non sufficit sola extrinseca Dei, aut ipsius beati voluntas; absque certa quadam perfectione seu intensiua, seu extensiua, intrinseca ipsius visionis. Ita contra Scotū in 3.d. 14.q. 2. Bonauenturā a. 2. q. 3. Marsiliū in 3. q. 10. Ferrariensem 3. cont. gent. c. 59. rectè docet Sotus in 4.d. 49.q. 3.a. 3. Molinahic q. 12.a. 8.d. 5. memb. 2. Suarez l. 2. c. 27. n. 16. & est communis Doctorum, quos citabimus: et si nonnulli quoque recentiores contrarium significant; quasi creature beatifica visione concomitanter videri possint, etiamsi antea non viderentur, ex sola Dei voluntate, per eandem visionem quædam reuelant, quæ antea non reuelabat.

Ratio assertoris est evidens: quia Deus solā sua voluntate extrinseca, si nihil interim à parte rei mutationis vspī interueniat, facere nō potest, vt causa formalis actu informans, diuerso tempore, alium & alium praefet effectum formalē: sed actu videndi est quasi causa formalis, à qua quis videns dicitur, eademque, vt supponitur, actu informatividentē: ergo impossibile est, vt pro solo arbitrio

Dei, diuerso tempore aliter & aliter videntem, constituat; si ipsa in se penitus inuariata maneat, nec vspī, vt supponimus, aliunde mutatio accidat. Et confirmatur; quia visio creata habet trascendentalem & realem relationem ad sua obiecta: ergo variatis obiectis, variatur ea relatio; adeoq; in se ipsa etiam intrinsecè realiter mutatur.

14
Assertio IX. Intenso maior vel minor lumen gloria, aut visionis Dei immediate, nihil facit ad videntias creature in Deo; licet in certo genere obiectorum, ad eam mediate conferat. Prima pars est contra Bannem, Zumel & alios Thomistas recentiores hic q. 12. a. 8. qui docent, posse tam remissum esse gradum luminis & visionis Dei, vt per eam nulla in Deo creatura videri possit; è contra verò generatim tantò plus videri aint, quanto lumen est intensius. Sed hoc meritò refellunt Vazquez hic disp. 50. n. 17. Suarez lib. 2. cap. 26. n. 20. & 3. p. tomo 1. disp. 26. sect. 2. & Albertinus. tom. 1. princ. 1. Corol. 5. punct. 1. Vbi ex instituto probat, nihil obstare, quo minus per eundem gradum indiuisibilem intensionis, sufficientem ad videntiam essentiam diuinam, videantur omnes creature, quantum est ex vi intensionis præcise. Et ratio est clara; quia ad pluralitatem obiectorū per se nihil facit intensio actus. Et potest absolute fieri, vt beator, aut æquè beatus, cum intensiore, aut æquè intensa visione Dei, pauciora in Deo videat obiecta creata, quam alius æquè, aut minus beatus, vt dicetur dubio sequenti.

Secundam partem tradit S. Thomas hic q. 12. a. 8. vbi dicit eorum quæ DEVS facit, vel facere potest, tanto aliquis intellectus plura cognoscit, quanto perfeccius Deum vider. Er ad tertium ait: multitudo cognitorum in Deo consequitur modum videntis ipsum, vel magis perfectum, vel minus perfectum. Eadem est doctrina communis Theologorum, qui docent, in certo genere quemque Beatum, quo beator est, eò plura in Deo videre, vt patet dubio sequenti. Neque enim S. Thomæ doctrina vniuersaliter accipienda, vt satis patet ex responsō eiusdem ibidē ad quartum. Vnde probatur ea pars assertoris: quia cæteris paribus, semper ille qui beator est, plura in Deo videt, rebus creatis, vt patet dubio sequenti; atqui maior beatitudo consistit in maiori intensione visionis, vt dictum dub. 5. Ergo, &c. Cum autem illa maior intensio immedieat sibi faciat ad visionem creaturarum, aut pluralitatem obiectorum visionis, vt dictum; necesse est media-tita ad eam conferre, vt Deus iuxta proportionē eius, in eodem certo genere obiectorum, attemperet ipsum lumen gloriae, adeoque visionē Dei secundū suam certā rationē indiuiduā, qua ad plura ciuiusmodi obiecta extendi possit, vt dicemus.

15
Assertio X. Ratio propria & adæquata, cur aliquid & alia plures, vel pauciores creature videantur in Deo; est certa quædam perfectio individualis extensiua, tum ipsius Visionis, tum luminis gloriae; eamque verius est per se esse simplicem qualitatem; & expertem gradum extensionis. Ita Suarez cit. cap. 25. n. 49. & cap. 26. num. 22. & c. 27. nu. 29. Albertinus cit. Corol. 5. n. 7. & indicat Molina q. 12. a. 8. disp. 6. qui rectè docent, eam diuersitatem visionis creaturarum in Deo accidere imme-diate

diate quidem, ob rationem individualem extensi-
um cuiusque visionis, eam perfectonem habetis,
vt ad tot, & non plura, haec & non alia obiecta crea-
ta possit ferri; sive ratio illa individua consistat in
certa quadam extensione intrinseca graduali ipsius
visionis, vt absolute fieri posse recte sentit Albertinus,
(addens n. 9. gradus illos extensionis esse
homogeneos, si fiat visio ex vi causa; secus si, vt
ipse loquitur, speciali modo, ex vi visionis.) et si
neget Suarez c. 27. n. 9. & c. 25. n. 45. ratus vni-
uersim, eiusmodi gradus seu partes extensionis in
habitibus, seu actibus esse impossibilis; cum ta-
men contrarium etiam in philosophia videatur
verius, vt dicetur tom. 2. d. 3. q. 1. dub. 4. atque
etiam supra d. 1. q. 4. dub. 2. de vnitate Theologiae
obiter indicauimus: sive ratio & perfectio illa
individualis sit simplex entitas, vt vult Suarez, &
approbat Albertinus Corol. 5. num. 7. & indicat
Molina q. 12. a. 8. d. 6. mihius eriam magis pro-
batur; tum quia hac ratione melius saluat modus
videndi creaturas ex vi eiusdem individualis
entitatis secundum extensionem; tum quia cum
creatura non videantur in Verbo successiuè, vt
patebit dub. sequenti, nulla est ratio cur assignen-
tur eiusmodi gradus extensionis. Secus forte, si
successione viderentur, vt recte Albertinus ibidem.
Tum quia id magis decet perfectionem visionis,
qua quo simplicior est, eo magis accedit ad scien-
tiam diuinam; cum praesertim alioqui expers sit
compositionis mentalis, adeoque notitia plane,
incomplexa, simul & apprehensiva simplicium,
& iudicativa complexorum, vt ex communi Molina
ibid. d. 6. cit. Tum quia cum & anima Christi,
ex communione doctrina S. Thomae 3. p. q. 10. a. 2. &
anima cuiusvis Beati, secundum eundem S. Thomam
3. cont. gent. c. 60. cognoscat infinita, fatidum
esset, aut necessariam esse gradualem exten-
sionem infinitam in visione; quod tamen est im-
possible; aut additione sola vnius gradus exten-
sionis, tam in visione, quam in lumine, fieri, vt intel-
lectus possit videre infinita, cum alias non posset;
quod licet in simili concedat Molina d. 5. mem. 7.
tamen plane videtur improbabile: sic enim nulla
seruaretur proportio inter gradus extensionis ex
parte visionis, & inter obiecta videnda.

Mediate vero ratio eius diversitatis referenda
est, ad similem diuersitatem individuum luminis
gloria, vt recte etiam indicat Bannes a. 3. ad 2.
Molina lo. cit. & Suarez c. 24. n. 13. & c. 26. n. 22.
non enim videtur credibile, existente alioqui suf-
ficiente virtute ex parte intellectus, ad videndum
omnia obiecta creata, Deum solo suo arbitratu,
denegando concursum, restringere actum visionis
secundum extensionem, ad certa duntaxat ob-
iecta creata: id enim esset contra suauem disposi-
tionem diuinæ prouidentiæ, & consuetum naturæ
ordinem; quod tamen nescio an sentiat Albertinus.
Ultimate vero omnino referenda est hæc di-
uersitas ad Deum, qui pro ratione meritorum, vel
status cuiusque Beati, vt dicetur dubio sequenti,
hoc vel illud lumen impertit; ex quo postea secundum
proportionem haec, & non alia sequitur vi-
sio. Neque contra eam efficiunt quicquam obie-
ctiones Vasquij cit. disp. 50.

Fateor tamen interim, probabiliter etiam dici
posse, ipsam per se essentiam diuinam, ob suam
infinitam & eminentissimam vim repræsentandi,
esse liberè repræsentatiuam, tam decretorum li-
berorum, quam eorum, quæ in ipsa continentur
eminenter, etiam supposito lumine gloria, atque
intellectu per id ipsum sufficienter in actu 1. in-
structo, ad creaturas quaslibet in Deo videndas:
ita vt quemadmodum Angelus aliquis non potest
alterius Angeli cogitationes naturaliter cognosce-
re, nisi hic velit eas fieri manifestas; ipsis interim
cognitionibus quæ cognoscuntur, & lumine na-
turali, quo cognoscuntur, eodem modo se haben-
tibus; ita etiam creatura non possint cognosci in
Deo, nisi quas, & quot ipse Deus velit, etiam sup-
posita ex parte intellectus, sufficienti virtute cog-
noscendi; idque non per subtractionem quasi
præternaturem debiti & ordinarij concursus,
sed ea voluntate diuina, tanquam conditione ad
ea videnda naturaliter requiæta, vt in simili de
Angelis docetur. Quod idcirco etiam ob simili-
tudinem rationis, in primis de actibus liberis diu-
na voluntatis videtur probabiliissimum, idemque
indicit Bannes loco cit.

Et alia quo ad hoc est ratio luminis gloria quam
visionis, de qua assert. 8. actum est; quia lumine glo-
ria non est causa formalis, sed efficiens visionis:
Nec absurdum est, stante sufficiente vi ex parte
causæ efficientis, eam pro arbitrio extrinseco alterius
in actum reduci, aut secus, vt de locutione
Angelica dictum. Neque etiam contra hoc pug-
nant, quæ differit Suarez c. 24. n. 9. Atque eodem
sensu admitti potest, quod dixit Scotus in 3. d. 14.
q. 2. per visionem Dei, videri omnia in actu primo
non autem in actu secundo: quamuis isti potius
ad arbitrium videntis, quam ipsius Dei diuersitate
rationis in actu secundo rejiciant, vt dicetur
dubio sequenti. Eodemque modo intelligi potest
illud ex Augustino, & alijs assert. 6. pronunciatiū,
essentiam diuinam esse speculum voluntariorum.

Objicitur 1. In lumine fidei, & intellectus, dif-
ferentia individuantur non efficiunt, vt Iacobus
credat alios articulos, quam Iohannes, aut cognos-
cat alias res naturales; potest enim fieri, vt non
obstantibus differentiis individuantibus, ambo
credant eosdem articulos, & intelligent easdem
res naturales: Ergo etiam fieri poterit, vt beatio-
nes, non obstantibus differentiis individuantibus
ipsius luminis gloria, de quibus dictum, vi-
deant easdem creature in Deo.

Respondeo, negando consequentiā: est enim
diuersa ratio luminis gloria, & luminis fidei, ac in-
tellectus. Nam vel per lumen naturale intellectus
intelligitur vis ipsa naturalis potentia intelle-
ctus; & haec cum sit eiusdem rationis specificæ,
nec in se augeri vel minui posse; in hominibus
habet idem obiectum adæquatum, à quo specifi-
catur; ac proinde non habet aliam latitudinem
extensionis in uno homine, quam in alio. Aut
intelligitur vis intelligendi habitus a: cuius natu-
ralis & acquisitus; & tunc est aliqua paritas inter
habitum illum, & lumen gloria; paritas quidem
in eo, quod ex probabiliori philosophia, quam
suppono, naturalis habitus habet aliquam latitu-
dinem.

dinem non solum intensiuam, sed etiam extensiua, in ordine ad obiecta; ita ut habitus eiusmodi perfectus esse possit in ordine ad quædam obiecta sui generis, non autem ad omnia: sic enim. Sepe videmus Physicum, aut Mathematicum habere habitualē scientiam vnius conclusionis, & non alterius.

Qua ratione etiam suo modo visio & lumē gloriæ habent aliquam perfectionem extensiua, faltē simplicem & indiuisibilē, vt dictum. Disparitas est, quod non obstante certā & determinatā ciuiusmodi latitudine habitus naturalis, is qui prædit⁹ est eo habitu, potest vi naturali intellectus, etiam sine præsenti concursu habitus, vltra latitudinem extensiua, & obiectiuam præsuppositi habitus ferri: sicut etiā ab initio poterat naturali vi intellectus, ipsum habitum per actus comparare: at vero Beatus in gloria non potest vltra perfectionē seu intensiuam, seu extensiua luminis gloriæ videndo progredi; sed necessario intra limites perfectionis ipsius luminis, tam intensiuam, quam extensiua continetur.

18 Et ratio diuersitatis est, quia habitus naturalis non confert facultatem operandi simpliciter, sed solum faciliter; quo sit, vt potētia agendo superare possit efficaciam habitus: habitus autē supernaturales, in quibus est lumen gloriæ, conferunt vim operandi simpliciter; vt in 1. 2. communiter doceatur: quo sit, vt nūl efficientia & concursus habitus supernaturalis aliunde supleatur, nunquā possit actus perfectionē habitus præexistentis excedere. Quia tamen in hac vita, iuxta ordinacionem Dei, homo ipsos etiam habitus supernaturales per actus dispositiue acquirere & augere potest, hinc sit, vt possit etiam vltra vires & perfectionem habitus supernaturalis præsuppositi operari, DEO tunc suppleto efficientiam habitus, vt ex 1. 2. suppono.

At vero in Patria, vbi iuxta legem Dei, non est locus profectui in gratia, & habitibus supernaturalibus, nunquam actus excedunt efficientiam & perfectionem præsuppositi habitus; adeoque nec visio perfectionem, seu extensiua, seu intensiuam luminis gloriæ. Quæ ipso etiam ratio disparitatis est inter habitum Fidei, & lumen gloriæ; cum nimis habens fidei habitum non restrinatur in credendo, absolute ad latitudinem seu perfectionem extensiua habitus præsuppositi; beatus autem in videndo restrinatur ad perfectionem tam extensiua, quam intensiuam ipsius luminis, vt dictum.

Obiectur secundo. Si certa quedam individuialis perfectione extensiua necessaria est ad videndas creaturas, tum ex parte luminis gloriæ, tum præcipue ex parte visionis Dei, sequitur, creaturas nō videri in Deo proprie, & formaliter, & ex vi ipsius visionis: quia creaturæ non videntur ex ipso, quod Deus videtur; alias enim cædem ab omnibus, & eodem modo viderentur.

Respondō, negando sequelam. Quia plane videntur vt repræsentatae per ipsum Verbum, seu Esse etiam diuinam; & ex vi eiusdem visionis, qua ipse videtur, non quidem præcise in genere, aut etiam secundum rationem suam specificam acce-

ptæ, sed huius, vel illius, quatenus in individuo est talis visio verbi; quod satis est; vt inter alios rectè etiam docuit Gregorius de Valencia q. 12. p. 6. Neque enim S. Thomas, & qui cum illo defendunt visionem creaturarum, ex vi visionis Verbi, alio sensu eam defendunt, aut explicant; quandoquidē ex eius sententia constat, pro varia perfectione visionis, alia & alia, plura vel præciora in verbo videri, vt dicetur dub. seq. Ex quo inferre vellet, S. Thomam, & qui cum illo sentiunt, non docere visionem creaturarum in Verbo formaliter, aut ex vi visionis absurdum est. Cæteras vero obiectiones, que contra propositam doctrinam obici possent, dissoluimus dub. precedenti.

D V B I V M X.

Quæ, & quandonam à Beatis singularis in Verbo videantur.

S. Thomas 1. p. q. 12. a. 8. & 10.

HAc de re, omissis ijs, qui negant creaturas proprie & formaliter videri in Verbo, generaliter loquendo, sunt quinque Doctorū sententiae.

Prima est, quam refert Durandus in 4. d. 49. q. 3. beatos visione beatifici videri in Verbo omnia, quæ Deus ipse videt.

Secunda est, à quolibet beato in Deo videri creaturas omnes, tam in specie, quam individuo, secundum esse possibile; non vero secundum esse actualis existentia; etiam loquendo de ijs, quæ aliquando existentiam actualē habent, vel habuerunt. Ita Durandus loco cit. Bassilius q. 4. prolog. Goffredus quodlib. 6. q. 3.

Tertia sententia est, quam refert S. Thomas q. 20. de Verit. a. 4. & Durandus loco citat. omnes beatos videri in Deo particulariter omnia, quæ aliquando fuerunt, vel futura sunt; quæ adeo Deus scit scientiam visionis. Certe omnia eos videret, quæ sunt, apterè sentire videret Basilius lib. de vera Virgin. non longè post initium: *Virgo se ipsam primum, conscientiamq; suam reverebatur, etiamq; valedicit sola: deinde astantem sibi Custodem Angelum, &c.* Quid per singula pergam? ipsas Angelorum infinitas multitudines, & una sanctorum Patrum beatissimos spiritus. Nullus enim ex his est, qui non singula ubique consideret.

Quarta sententia est, à beatis in virtutis generē rerum tam existentium, quam possibilium cognosci omnia, adeoque infinita in actu primo, nō autem in actu secundo; ita nimis, vt quamvis nullus beatus infinita simul cognoscet, aut cognoscere possit in Verbo, eo quod ad hoc requiretur infinita attentio, quæ est impossibilis creaturæ; habitualiter tamen, adeoque successive, siue per idem lumen gloriæ, siue etiam per eandem visionem (vt Scotus indicat) posset quilibet cognoscere creaturas omnes & singulas, adeoque ex infinitis quilibet pro arbitrio. Ita Scotus in 3. dist. 14. quest. 2. Bonaventura artic. 2. quest. 3. Marsilius in 3. q. 10. a. 2. Guilielmus Varro, quem citat Gabriel in 3. d. 14. q. 1.

Quinta.